

**/վարչական տույժ նշանակելու մասին/**

«02» նոյեմբերի 2020թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Կարեն Բաբայանս, քննելով «Լեյբր Գուդս» ՍՊ ընկերության (ՀՎՀՀ 02625168) տնօրեն Արշակ Սարգսյանի (անձնագիր՝ AS0475243, հասցե՝ ՀՀ, ք. Կապան, Շահումյան փ 172., 31բն.) նկատմամբ հարուցված մաքսային կանոնների խախտման վերաբերյալ գործը,

**Պ Ա Ր Զ Ե Ց Ի**

«Լեյբր Գուդս» ՍՊ ընկերության անվամբ թիվ 05100033/130620/0021138 տարանցման հայտարարագրով Բագրատաշենի մաքսային կետ-բաժնով ՀՀ տարածք է ներմուծվել 212 կգ ընդհանուր քաշով բեռ, որը 15.06.2020 թվականին հանձնվել է մաքսային մարմինների ժամանակավոր պահպանությանը, սակայն մինչև ժամանակավոր պահպանության ժամկետի ավարտը բեռի մնացորդ 72 կգ վերաբերյալ մաքսային հայտարարագիրը չի ներկայացվել մաքսային մարմնին:

ՀՀ ՊԵԿ Արարատյան մաքսատուն-վարչության բացթողնման ավագ մաքսային տեսուչի կողմից 15.10.2020 թվականին «Լեյբր Գուդս» ՍՊ ընկերության տնօրեն Արշակ Սարգսյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 194-րդ հոդվածի հատկանիշներով:

Մաքսային կանոնների խախտման վերաբերյալ գործի քննությունը նշանակվել է 02.11.2020 թվականին ժամը 10:00-ին, ինչի անցկացման վայրի և ժամանակի մասին ծանուցումն ուղարկվել է Արշակ Սարգսյանին: Վերջինս չի ներկայացել գործի քննությանը, որևէ առարկություն չի ներկայացրել խախտման փաստով:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն իրականացնելու համար ապրանքների և տրանսպորտային միջոցների վերաբերյալ անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50,000 դրամի չափով:

Այսպիսով, վարույթի նյութերով հիմնավորվում է, որ «Լեյբր Գուդս» ՍՊ ընկերության տնօրեն Արշակ Սարգսյանը սահմանված ժամկետում թիվ 05100033/130620/0021138 տարանցման հայտարարագրով Բազրատաշենի մաքսային կետ-բաժնով ՀՀ տարածք ներմուծված բեռի մնացորդի՝ 72 կգ համար մաքսային հայտարարագիր չի ներկայացրել, որի արդյունքում թույլ է տվել ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 13-րդ բաժնով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

### Ո Ր Ո Շ Ե Ց Ի

1. ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում կատարելու համար «Լեյբր Գուդս» ՍՊ ընկերության տնօրեն Արշակ Սարգսյանին ենթարկել վարչական պատասխանատվության՝ տուգանելով **50.000 ՀՀ դրամի** չափով:
2. Որոշման մասին հայտնել «Լեյբր Գուդս» ՍՊ ընկերության տնօրեն Արշակ Սարգսյանին՝ պարզաբանելով, որ այն օրենքով սահմանված երկամսյա ժամկետում կարող է բողոքարկվել վերադաս մաքսային մարմին (ք. Երևան, Մ. Խորենացի 3/7) կամ դատարան:
3. Որոշմամբ նշանակված տուգանքի վճարման հաշվեհամարն է **900005024055-ը** (**ՀՀ պետական բյուջե, կենտրոնական գանձապետարան, Արարատյան մաքսատուն-վարչություն, ԿՈԴ 27**):

ԱՐԱՐԱՏՅԱՆ ՄԱՔՍԱՏՈՒՆ-  
ՎԱՐՉՈՒԹՅԱՆ ՊԵՏ

ԿԱՐԵՆ ԲԱԲԱՅԱՆ